

SUID-AFRIKAANSE RADIOLIGA NUUS VIR SONDAG 23 JANUARIE 2022

Goeie môre en welkom by die weeklikse nuus uitsending van die Suid-Afrikaanse Radioliga, gelees deur _____ (jou naam, roepsein en QTH)

Die Suid-Afrikaanse Radioliga saai elke Sondag nuus bulletins uit in Afrikaans sowel as Engels om 08:15 en 08:30 Sentraal Afrika Tyd onderskeidelik uit op HF sowel as op verskeie BHF- en UHF-herhalers. Hierdie uitsendings word ook via Echolink herlei deur Johan, ZS6JPL. Die oudio bulletins kan afgelaai word vanaf die Liga webwerf by www.sarl.org.za, terwyl die teks bulletins by <https://sarlnwsbulletin.wordpress.com/> afgelaai kan word. Om by die Mailchimp bulletin e-poslys aan te sluit, stuur 'n e-pos aan die SARL Sekretaris.

In die Nuus vandag:

ELEKTRONIESE STEMMING VIR DIE 2021 SARL JAARLIKSE FINANSIËLE STATE

AMSATSA KONDIG JAARLIKSE KONFERENSIE DATUM AAN

en

SANDTON KRAG UUR TEGNIESE PRAATJIE OP WOENSDAG 26 JANUARIE

Bly ingeskakel vir meer inligting oor hierdie en ander interessante nuus items.

ELEKTRONIESE STEMMING VIR DIE 2021 SARL JAARLIKSE FINANSIËLE STATE

Ingevolge Reël 8.9 is die SARL Finansiële Jaarstate vir die jaar geëindig 30 Junie 2021 op SARL webwerf op Vrydag 21 Januarie 2022 gelaai. Lede het dertig (30) dae om die rekeninge te oorweeg, waarna 'n elektroniese stemming sal plaasvind vanaf 00:01 SAT op Maandag 21 Februarie 2022 en sal om 23:59 SAT op Donderdag 3 Maart 2022 sluit. Besonderhede oor die stemming sal gepubliseer word in SARL Nuus nader aan die tyd. Voordat jy enige dokument aflaai, lees asseblief die SARL Kommunikasie gedateer 21 Januarie 2022 baie noukeurig.

SARL BHF/UHF FM KOMPETISIE

Die SARL BHF/UHF FM Kompetisie vind plaas vanaf 12:00 tot 16:00 UTC op Saterdag 5 Februarie en die doel van die kompetisie is om aktiwiteite op FM simpleks te bevorder op die volgende bande: 6 m van 51,500 tot 51,550 MHz, 2 m van 145,500 tot 145,575 MHz en 70 sm van 433,500 tot 433,550 MHz. Klubs word aangemoedig om hulle lede betrokke te maak om langer afstande te werk op simpleks deur gebruik te maak van draagbare en veldstasies waar nuwe lede die ervaring kan ondervind om aan 'n kompetisie deel te neem. Volledige besonderhede is beskikbaar op bladsye 24 en 25 van die 2022 SARL Kompetisie Handleiding

AMSATSA KONDIG JAARLIKSE KONFERENSIE DATUM AAN

AMSATSA het die datum vir die Vereniging se 2022 Ruimtesimposium aangekondig. Dit word gehou op Saterdag 23 Julie 2022. Die huidige beplanning is om dit as 'n virtuele geleentheid op die Blue Jeans-platform aan te bied. Daar bly 'n moontlikheid dat dit 'n hibriede geleentheid kan wees wat 'n parallelle fisiese simposium van aangesig tot aangesig in Johannesburg insluit. Ervaring oor die afgelope twee simposiums het getoon dat virtuele geleenthede vir baie meer mense die geleentheid bied om deel te neem. Dit sal waarskynlik so bly, aangesien die koste van reis en verblyf waarskynlik nie binnekort na meer bekostigbare vlakke sal terugkeer nie.

Die tema van die simposium is "Ruimte, die volgende grens vir uitbreiding van amateur radio." Die simposium-program sal onderwerpe op die intreevlak dek van hoe om 'n goedkoop satellietstasie op te rig, hoe om die meeste uit 'n hand-radio te kry om satellietkommunikasie te verken en 'n meer gevorderde vlak om ruimtenavorsing te doen met jou eie ruimteweer stasie en hoe om betrokke te raak by die bou van satelliete.

Voorstelle vir Referate word uitgenooi. Elke gleuf is 20 - 30 minute plus 'n 10 minute V&A-periode. Die sluitingsdatum vir voorstelle is 31 Maart 2022. Skrywers sal teen middel April in kennis gestel word van aanvaarding van hul referaat. Finale aanbiedings in word en PowerPoint sal teen 1 Julie 2022 vereis word. Vir meer inligting stuur 'n e-pos na admin@amsatsa.org.za.

Jy luister na nuus uitsending van die Suid-Afrikaanse Radioliga.

SANDTON KRAG UUR TEGNIESE PRAATJIE OP WOENSDAG 26 JANUARIE

Jy het daarvan gehoor tydens die bulletins en nou is dit uiteindelik hier, die Krag Uur Tegniese Praatjie, wat Woensdagaand plaasvind met spesiale gas Brian, NB7KW. Brian sal ons oë oopmaak vir die werking en bruikbaarheid van die outomatiese pakket rapportering-stelsel, wat meer algemeen as APRS bekend staan.

Almal is welkom, so hierdie is jou uitnodiging en jy word herinner om op Woensdagaand 26 Januarie om 19:00 SAT na die Sandton 145,700 MHz-herhaler te luister of om aan ZS6STN-R via Echolink te koppel om te luister, te leer en by te dra tot die stories en deel van kennis. Vir meer besonderhede, besoek asseblief die Dagboek-forum op die SARL-webwerf.

AFRICUBE LANSERING AANSOEK

AMSAT SA, in vennootskap met die UCT Ruimte- en Sterrekundevereniging, het aansoek gedoen vir 'n geborgde lansering by die Verenigde Nasies se Kantoor vir Buitenste Ruimtesake (UNOOSA) vir hul Toegang tot Ruimte vir Almal program. Toegang tot Ruimte vir Almal is 'n gesamentlike inisiatief van UNOOSA en ruimte-agentskappe, navorsingsinstellings en industrie om toegang tot ruimtenavorsingsfasiliteite, infrastruktuur en inligting te bied met die doel

om tegniese kundigheid, ingenieursprosesse en infrastruktuur te ontwikkel in die gebiede van hiper-swaartekrag en mikro-swaartekrag, satelliet-ontwikkeling en ruimteverkenning en bevorder internasionale samewerking in die vreedsame gebruike van die buitenste ruimte. Dit is die tweede aansoek. Verlede jaar was die groep nie suksesvol nie, maar is deur UNOOSA aangemoedig om vanjaar weer aansoek te doen.

AfriCUBE hardloop die afgelope ses weke op die toetsbank en sal in die volgende paar week op die lug vanaf Rooihuiskraal getoets word. Ontwikkeling van die beheerstelsel-sagteware het 'n gevorderde stadium bereik en sal in die AfriCUBE-aanboord-rekenaar geïnkorporeer word om praktiese evaluasies uit te voer. Die beheer-sagteware sal AfriCUBE in staat stel om vanaf die grond geprogrammeer te word om die satelliet in 'n spesifieke modus te plaas.

JAKKALSJAG OP SONDAG 30 JANUARIE

Almal wat in Gauteng gebaseer is, word herinner aan 'n buitelug jag-soektoeg wat groot pret en gesinsvriendelik is. Ons geheime bronne het laat weet dat daar 'n Radio Jakkals sal weggroep binne 'n radius van 1,5 km van die parkeerarea van die James en Ethel Greypark in Melrose en dit is noodsaaklik dat jy die jakkals vind sodat jy kan spog op 145,525 MHz.

Die Jakkals het net een swaakteit, dit stuur soms 'n gekodeerde radiosein op 144,525 MHz uit en dit is die enigste keer dat dit kwesbaar is om gevind te word. Bronne gee aan dat dit vanaf 13:00 SAT volgende Sondag 30 Januarie sal gebeur. Wie gaan die wenner wees – jy of die jakkals? Verdere leidrade is beskikbaar op die SARL se Dagboek forum op die webblad.

HF VOORTPLANTINGSVOORSPELLING

Hannes Coetzee, ZS6BZP, berig dat die verwagte sonaktiwiteitsvlak laag gaan wees. Tans is daar verskeie sonvlekke met eenvoudige magnetiese samestellings sigbaar. Daar is 'n groot moontlikheid van C-klas en 'n geringe moontlikheid van M-klas sonfakkels. Diegene wat hulle eie frekwensievoorspellings wil doen, kan 'n verwagte effektiewe sonvlektelling van 26 vir die week gebruik. Radio amateurs kan DX openinge op die 10 tot 30 m bande verwag. Besoek gerus die webtuiste spaceweather.sansa.org.za vir meer inligting.

Nou die dagboek van gebeure vir die volgende paar weke:

24 Januarie – die sluitingsdatum vir Klub kompetisie logstate

26 Januarie – Sandton ARK Krag Uur Tegniese Praatjie

27 Januarie – die sluitingsdatum vir QRP Logstate

31 Januarie – die sluitingsdatum vir AJV Mosies en Toekenning nominasies

1 Februarie – die registrasie vir die Mei RAE open

5 Februarie – die SARL VHF/UHF Aktiwiteits dag

6 Februarie – die ADV GG Aktiwiteits dag

- 11 Februarie – die sluitingsdatum vir ADV GG Logstate
- 12 Februarie – die sluitingsdatum vir SARL BHF/UHF logstate
- 14 Februarie – die sluitingsdatum vir PEARS BHF/UHF logstate
- 19 Februarie – die SARL Saterdag 40 m Klub kompetisie
- 19 en 20 Februarie – die ARRL Internasionale DX GG kompetisie

Om die bulletin mee af te sluit, 'n opsomming van ons hoof berig:

Ingevolge Reël 8.9 is die SARL Finansiële Jaarstate vir die jaar geëindig 30 Junie 2021 op SARL webwerf op Vrydag 21 Januarie 2022 gelaai. Lede het dertig (30) dae om die rekeninge te oorweeg, waarna 'n elektroniese stemming sal plaasvind vanaf 00:01 SAT op Maandag 21 Februarie 2022 en sal om 23:59 SAT op Donderdag 3 Maart 2022 sluit. Besonderhede oor die stemming sal gepubliseer word in SARL Nuus nader aan die tyd. Voordat jy enige dokument aflaai, lees asseblief die SARL Kommunikasie gedateer 21 Januarie 2022 baie noukeurig.

Dit bring ons aan die einde van hierdie bulletin.

Die Suid-Afrikaanse Radioliga se nuus diens nooi klubs en individue uit om nuus brokkies van belang vir radio amateurs en kortgolf luisteraars in te dien. Plaas nuus berigte indien moontlik, in beide Engels en Afrikaans op die Suid-Afrikaanse Radioliga webtuiste onder die 'news inbox' skakel nie later as die Vrydag wat die bulletin datum vooraf gaan nie.

Luister elke Sondag oggend om 10:00 Sentraal Afrika Tyd na "Amateur Radio Today." Daar is herleiding op 7 082 kHz laer syband deur Louis, ZS5LP en verskeie herleidings op BHF en UHF frekwensies regoor Suid-Afrika. 'n Heruitsending aangebied deur Andy ZS6ADY vind op Maandae aande om 19:30 Sentraal Afrika Tyd op 3 620 kHz plaas.

Ons ontvang graag jou sein rapporte, kommentaar en voorstelle, stuur 'n e-pos aan artoday@sarl.org.za.

Jy het geluister na 'n nuus uitsending van die Suid-Afrikaanse Radioliga, geskryf deur Andy Cairns, ZS6ADY, geproeflees deur Dennis Green, ZS4BS en gelees deur

Van die Nuusspan, die beste wense vir die week vorentoe.